



REPUBLIKA E MAQEDONISË SË VERIUT
AGJENCIA E SHËRBIMEVE MEDIATIKE AUDIO DHE AUDIOVIZUELE
PA1 Nr.08-5
24.07.2026
Shkup

Këshiili i Agjencisë së Shërbimeve Mediatike Audio dhe Audiovizuele në bazë të nenit 18, paragrafi (1), nënparagrafi 2, nenit 20, paragrafi (1), nënparagrafi 10¹, neni 24 dhe neni 79, paragrafët (1), (2) dhe (3) të Ligjit të Shërbimeve Mediatike Audio dhe Audiovizuele ("Gazeta Zyrtare e Republikës së Maqedonisë" nr.184/13, 13/14, 44/14, 101/14, 132/14, 142/16, 132/17, 168/18, 248/18 dhe 27/19 dhe "Gazeta Zyrtare e Republikës së Maqedonisë së Veriut" nr.42/20, 77/21, 154/23, 55/24, 193/24 dhe 247/25), në pajtim me nenin 15, paragrafi (1), nënparagrafi 2, nenin 41, paragrafi (1), nënparagrafi 8 dhe nenin 59, paragrafët (1), (2) dhe (3) të Rregullores së Punës së Agjencisë së Shërbimeve Mediatike Audio dhe Audiovizuele, nr.ark.01-3632/1 të datës 22.08.2025 dhe nenin 51, paragrafët (1) dhe (2) nga Ligji i Procedurës së Përgjithshme Administrative ("Gazeta Zyrtare e Republikës së Maqedonisë" nr.124/15), duke vepruar sipas Kërkesës për vazhdimin e lejes për transmetim televiziv të Shoqërisë Tregtare Radiodifuzive TELEVISIONI MAKPETROL ShPKNJ P Shkup, nr.ark.0204-159 të datës 24.6.2026, nr ynë PA1 nr. 08-5 të datës 03.07.2026, gjatë seancës së 27-të të mbajtur më 28.07.2026, në pajtim me Konkluzionin, (nr.ark.02-2884/6 të datës 28.07.2026), miratoi:

VENDIM
për vazhdimin e lejes për transmetim televiziv të
Shoqërisë Tregtare Radiodifuzive
TELEVISIONI MAKPETROL ShPKNJ P Shkup

1. Leja për transmetim televiziv e Shoqërisë Tregtare Radiodifuzive TELEVISIONI MAKPETROL ShPKNJ P Shkup, (PA1 nr.08-5 të datës 07.09.2023), i vazhdohet për periudhë kohore prej 9 (nëntë) vitesh, për periudhë nga 05.01.2027 deri më 04.01.2036.

2. Agjencia e Shërbimeve Mediatike Audio dhe Audiovizuele, në pajtim me pikën 1 të këtij Vendimi, do t'i lëshojë leje të re Shoqërisë Tregtare Radiodifuzive TELEVISIONI MAKPETROL ShPKNJ P Shkup.

3. Shoqëria Tregtare Radiodifuzive TELEVISIONI MAKPETROL ShPKNJ P Shkup, për periudhën për të cilën vazhdohet leja, është e detyruar të punojë në pajtim me Ligjin e Shërbimeve Mediatike Audio dhe Audiovizuele, Ligjin për Mediume, dispozitat e miratuara në bazë të tyre, si dhe në pajtim me kushtet e përcaktuara në leje.

4. Ky Vendim është përfundimtar dhe do të botohet në Gazetën Zyrtare të Republikës së Maqedonisë së Veriut dhe në faqen e internetit të Agjencisë.

5. Padia nuk e pezullon zbatimin e këtij Vendimi.

¹ Nënparagrafët 8 dhe 9 fshihen, shih: nenin 8 nga Ligji i ndryshimit dhe plotësimit të Ligjit të Shërbimeve Mediatike Audio dhe Audiovizuele ("Gazeta Zyrtare e Republikës së Maqedonisë" nr.248/18).

Arsyetim

Në nenin 79 (Kohëzgjatja e lejes për transmetim televiziv ose radio) paragrafi (1) nga Ligji i Shërbimeve Mediatike Audio dhe Audiovizuele - LShMAAV, përcaktohet se leja për transmetim televiziv ose radio e shoqërive tregtare radiodifuzive dhe institucioneve radiodifuzive jofitimprurëse, jepet për periudhë kohore prej nëntë vitesh, me mundësi vazhdimi.

Në pajtim me nenin 79, paragrafi (2) të LShMAAV-së, leja për kryerjen e veprimtarisë radiodifuzive nuk mund t'i bartet një personi të tjetër.

Leja për transmetim televiziv ose radio në pajtim me nenin 79, paragrafi (3) të LShMAAV-së, mund të vazhdohet me kërkesë të mbajtësit të lejes për një periudhë prej nëntë vitesh. Kërkesa dorëzohet në Agjenci, në afat prej gjashtë muajsh para skadimit të vlefshmërisë së lejes. Këshilli i Agjencisë miraton detyrimisht vendim në afat prej 30 ditësh nga dita e pranimit të kërkesës për vazhdimin e lejes, me kusht që transmetuesi të mos ketë kryer shkelje në pajtim me paragrafin (4) të këtij neni.

Në pajtim me nenin 79, paragrafi (4) të LShMAAV-së, Këshilli i Agjencisë miraton vendim për refuzimin e kërkesës për vazhdimin e lejes nëse transmetuesi ka kryer, shkelje serioze gjatë kohëzgjatjes së lejes dhe atë:

- së paku tre herë gjatë kohëzgjatjes së lejes ka vepruar në kundërshtim me ndalesat e veçanta të nenit 48 të Ligjit, për të cilat ekzistojnë aktgjykime të plotfuqishme ose
- gjatë kohëzgjatjes së lejes, së paku në një cikël zgjedhor, mbulimi mediatik nuk është rezultuar në mënyrë të drejtë, të ekuilibruar dhe të paanshme, për të cilat ekzistojnë aktgjykime të plotfuqishme.

Shoqëria Tregtare Radiodifuzive TELEVISIONI MAKPETROL ShPKNJ P Shkup (TELMA SHPKNJ P Shkup), është mbajtëse e Lejes për transmetim televiziv, PA1 nr.08-5 të datës 07.09.2023), me vlefshmëri prej 3 (tre) vitesh, duke filluar nga data 05.01.2024 deri më 04.01.2027 për transmetim përmes transmetuesit tokësor, në nivel shtetëror në teritorrin e Republikës së Maqedonisë së Veriut, për shërbim programor televiziv, me format të përgjithshëm kryesisht argëtues në gjuhën maqedone.

Në faqen e internetit të Agjencisë së Shërbimeve Mediatike Audio dhe Audiovizuele (Agjencia), është publikuar formulari i Kërkesës për vazhdimin e lejes për transmetim TV/RA dhe shtojcat e kërkesës, edhe atë:

Dokumenti përkatës si dëshmi se transmetuesit nuk i është shqiptuar masë sigurie – ndalesë për kryerjen e veprimtarisë nga regjistri ose evidenca (origjinal ose kopje e noterizuar, jo më e vjetër se 15 ditë nga dita e dorëzimit), ose deklaratë e noterizuar nga drejtuesi i transmetuesit se nuk i është shqiptuar masë sigurie ndalesë për kryerjen e veprimtarisë, (jo më e vjetër se 15 ditë nga dita e dorëzimit);

Deklaratë e noterizuar nga transmetuesi, se do të respektojë karakteristikat teknike dhe parametrat e përcaktuar nga Agjencia e Komunikimeve Elektronike e RMV-së (AKE) në pajtim me Ligjin e Komunikimeve Elektronike (LKE) dhe dispozitat e nxjerra në bazë të ligjit; do të respektojë kushtet teknike, hapësinore, financiare dhe kadrovike në pajtim me Rregulloren për kushtet minimale teknike, hapësinore, financiare dhe kadrovike për dhënien e lejes për transmetim televiziv dhe radio të miratuar nga Agjencia e Shërbimeve Mediatike Audio dhe Audiovizuele; nuk shkel dispozitat nga Kapitulli IV i LShMAAV-së dhe se të dhënat e paraqitura në kërkesë janë të sakta dhe të gjitha shtojcat janë të vërteta dhe të vlefshme, si dhe Pëlqimin për përpunimin e të dhënave personale të cituara në Kërkesë.

Më datë 03.07.2026, TELMA SHPKNJ P Shkup, në pajtim me nenin 79, paragrafi (3) të LShMAAV-së, ka paraqitur Kërkesë për vazhdimin e lejes për transmetim televiziv, (nr.ark.0204-159 të datës 24.6.2026 PA1 nr.08-5 datë 03.07.2026) në formularin përkatës. Gjatë shqyrtimit të kërkesës, u konstatua se ajo është e rregullt dhe e plotë dhe i përmban shtojcat e nevojshme (të noterizuara), dhe atë:

Shtojca nr.1 – Deklaratë nga Snezhana Ljupevska Sozen, nr.ark.0204-160 të datës 24.06.2026, e dhënë në cilësinë e drejtueses së TELMA SHPKNJ P Shkup se transmetuesit nuk i është shqiptuar masë sigurie ndalesë për kryerjen e veprimtarisë, jo më e vjetër se 15 ditë nga dita e dorëzimit (nr.UZP 2105/2026 të datës 24.06.2026);

Prokurë, nr.ark.0302-255/1 të datës 2.7.2026 (nr. UZP 5360/2026 të datës 02.07.2026) – e dhënë nga Andreja Josifovski, Kryetar i Bordit Drejtues të MAKPETROLIT të Shoqërisë Aksionare për tregti me naftë dhe derivate të naftës – Shkup (MAKPETROL Shkup), për personin Mihajlo Boroyanov, Drejtor i Drejtorisë së financave në MAKPETROL Shkup, në emër

dhe për llogari të MAKPETROLIT Shkup, si themelues/pronar i vetëm i TELMA ShPKNJ P Shkup të nënshkruajë Deklaratën për vazhdimin e lejes (Shtojca nr.2 ndaj Kërkesës për vazhdimin e lejes); Shtojca nr.2 – Deklaratë nga personi i autorizuar Mihajlo Borozanov, nr.ark.0302-256/1 të datës 02.07.2026 (nr. UZP 5361/2026 të datës 02.07.2026), në emër dhe llogari të MAKPETROL Shkup, në bazë të Prokurës nr.ark.0302-255/1 të datës 02.07.2026, të dhënë nga përfaqësuesi ligjor i MAKPETROLIT Shkup, në cilësinë e themeluesi/pronari të vetëm të transmetuesit TELMA ShPKNJ P Shkup, se transmetuesi në fjalë do të respektojë karakteristikat teknike dhe parametrat e përcaktuara nga AKE në pajtim me LKE dhe dispozitat e nxjerra në bazë të ligjit; do të respektojë kushtet teknike, hapësinore, financiare dhe kadrovike në pajtim me Rregulloren për kushtet minimale teknike, hapësinore, financiare dhe kadrovike për dhënien e lejes për transmetim televiziv dhe radio të miratuar nga ASHMA; nuk shkel dispozitat nga Kapitulli IV i LShMAAV-së dhe se të dhënat e paraqitura në kërkesë janë të sakta dhe të gjitha shjtojat janë të vërteta dhe të vlefshme; Shtojca nr.2.1 – Deklaratë nga Snezhana Ljupevska Sozen e dhënë në cilësinë e drejtuesit të transmetuesit, nr.ark.0204-161 datë 24.06.2026 (nr. UZP2104/2026 datë 24.06.2026), se TELMA ShPKNJ P Shkup, do të respektojë karakteristikat teknike dhe parametrat e përcaktuar nga AKE në pajtim me LKE dhe dispozitat e nxjerra në bazë të ligjit; do të respektojë kushtet teknike, hapësinore, financiare dhe kadrovike në pajtim me Rregulloren për kushtet minimale teknike, hapësinore, financiare dhe kadrovike për dhënien e lejes për transmetim televiziv dhe radio të miratuar nga ASHMAAV; nuk shkel dispozitat nga Kapitulli IV i LShMAAV-së dhe se të dhënat e paraqitura në kërkesë janë të sakta dhe të gjitha shjtojat janë të vërteta dhe të vlefshme dhe Pëlqim për përpunimin e të dhënave personale të cituara në Kërkesë, të dhëna nga drejtuesi i transmetuesit.

Pas inspektimit të kryer të punës së transmetuesit gjatë kohëzgjatjes së lejes, nga Agjencia, është konstatuar se kërkuesi – TELMA ShPKNJ P Shkup i përmbush kushtet e përcaktuara në nenin 79 të LShMAAV-së, përkatësisht gjatë kohëzgjatjes së Lejes, PA1 nr.08-5 të datës 07.09.2023, nuk ka kryer shkelje serioze të përcaktuara në nenin 79, paragrafi (4) të LShMAAV-së.

Duke marrë parasysh sa më sipër, dr. Zoran Trajčevski, drejtor i Agjencisë, i dorëzoi Këshillit të Agjencisë Propozimin, PA1 nr.08-5 datë 28.07.2026, për miratimin e vendimit për vazhdimin e Lejes për transmetim televiziv të TELMA ShPKNJ P Shkup, (PA1 nr.08-5 datë 07.09.2023), vlefshmëria e së cilës skadon më 04.01.2027, me propozim që e njëjta të vazhdohet për kohëzgjatje prej 9 (nëntë) vitesh, përkatësisht nga data 05.01.2027 deri më 04.01.2036.

Rrjedhimisht nga sa më sipër, në bazë të nenit 18, paragrafi (1), nënparagrafi 2, nenit 20, paragrafi (10), nënparagrafi 10², nenit 24 dhe nenit 79, paragrafët 1, 2 dhe 3 të LShMAAV-së, në pajtim me nenin 15, paragrafi (1), nënparagrafi 2, nenit 41, paragrafi (1), nënparagrafi 8 dhe nenin 59, paragrafët 1, 2 dhe 3 të Rregullores së Punës së Agjencisë si dhe nenit 51, paragrafët (1) dhe (2) nga Ligji i Procedurës së Përgjithshme Administrative, duke vepruar sipas Kërkesës për vazhdimin e lejes për transmetim televiziv të ShTR TELEVISIONI MAKPETROL SHPKNJ P Shkup, nr.ark.0204-159 datë 24.06.2026, PA1 nr ynë.08-5 datë 03.07.2026, Këshilli i Agjencisë miratoi Vendimin si në dispozitiv, i cili është përfundimtar dhe pas miratimit do të botohet në Gazetën Zyrtare të Republikës së Maqedonisë së Veriut dhe në faqen e internetit të Agjencisë.

Agjencia do t'i lëshojë leje të re ndaj TELMA ShPKNJ P Shkup, për vazhdimin e lejes nga pika 1. e këtij Vendimi. Transmetuesi është i detyruar që gjatë periudhës për të cilën vazhdohet leja të punojë në pajtim me LShMAAV-në, Ligjin e Mediave, dispozitat e miratuara në bazë të ligjit, si dhe në pajtim me kushtet e përcaktuara në leje. Padia nuk e pezullon zbatimin e Vendimit.

**Agjencia e Shërbimeve Mediatike
Audio dhe Audiovizuele
Kryetari i Këshillit,
mr. Sasho Stefanovski d.v.**

² Nënparagrafët 8 dhe 9 fshihen, shih: nenin 8 nga Ligji i ndryshimit dhe plotësimit të Ligjit të Shërbimeve Mediatike Audio dhe Audiovizuele ("Gazeta Zyrtare e Republikës së Maqedonisë" nr.248/18).

Këshillë juridike: Kundër këtij vendimi transmetuesi nga pika 1. e këtij Vendimi, ka të drejtë të ngrejë padi, për inicimin e kontestit administrativ pranë gjykatës kompetente, në afat prej 30 ditësh nga dita e pranimi të Vendimit.